

INGXELO KUMAJELO EENDABA: UKUPHEHLELELWA KWESICWANGCISO ESIHLANGENEYO SOPHUHLISO - 4 AGASTI 2009

Yintoni isizathu sokumiselwa kweSicwangciso seMinyaka emi-5?

ISicwangciso seMinyaka emi-5 seSixeko saseKapa, esikwaziwa ngokuba siSicwangciso esiHlanganisweyo soPhuhliso (IDP), sisicwangciso-qhinga sophuhliso, esimisela imisebenzi ephambili yocwangciso neyohlahlo-lwabiwo-mali. Esi sicwangciso siphengululwa rhoqo ngonyaka. Injongo ephambili yeSicwangciso esiHlanganisweyo soPhuhliso luhlumo lwezoqoqosho olukhokelwa zizixhobo zokusebenza nto leyo eya kudala amathuba engqesho yaye itsale umdla wotyalo-mali kwisixeko noluzo kuba yinzuzo kubahlali ngokubanzi. Isicwangciso seminyaka emi-5 sinokuthatyathwa njengesicwangciso esihlangeneyo sobandakanyo loluntu, iSixeko nabachaphazelekayo ngenjongo yokuqinisekisa isixeko esinempumelelo.

Yintoni etshintshiweyo kwisicwangciso seminyaka emi-5 kulo nyaka uphelileyo?

Ukuqinisekisa ukuba siqhubeka sihamba kwikhondo elilungileyo ngokuphathelene neyona Njongo yethu iphambili yohlumo lwezoqoqosho olukhokelwa zizixhobo zokusebenza, kuyimfuneko ukuba sisiphengulule rhoqo ngonyaka iSicwangciso sethu esiHlangeneyo soPhuhliso yaye senze izilungiso ezithile emva kokubonisana nabahlali. ISicwangciso sethu esiHlangeneyo soPhuhliso kuyimfuneko ukuba sithathele ingqalelo inguqu kuqoqosho lwehlabathi nakuqoqosho lwengingqi kulo nyaka uphelileyo nayo nayiphi na eminye imiceli-mngeni enokuvela.

- Okokuqala, uqoqosho lwehlabathi lujongene nomjikelo wokuhla ngokumandla, nto leyo ekwenza impembelelo yayo ivakale apha eMzantsi Afrika.
- Okwesibini, ukunqongophala kwezakhono zobuchwepheshe kuMzantsi Afrika ngokubanzi kuba ngoyena mceli-mngeni uphambili kuhlumo loqoqosho nakunikezelo ngeenkonzo ngurhulumente.
- Okwesithathu, iqondo eliphezulu lokufudukela kwidolophu yaseKapa kuthetha ukuba usapho ngalunye olufumana indlu ngoku, kusekho ama-350 eentsapho ezilindileyo. Iqela leziganeke ezenzeke kulo nyaka uphelileyo, kuqukwa neziganeko zoqhankqalazo nokungena ngesinyanzeliso kwizindlu, zibonisa ukuba le meko ingadala inguqu kwintlalo yethu.
- Okwesine, iqela lezifundo zophando lubonise inkxalabo ekhulayo ngozinzo nokugcinwa kwemithombo yamanzi namandla ombane kwiNqila yeKapa, yaye zikwabonakalise iingozi ezayanyiswa nokutshintsha kwemozulu nokunyuka kwamaqondo amanzi olwandle.

Okokugqibela, ngoku singena kunyaka-mali wokugqibela phambi kokusindlekwa kweNdebe yeHlabathi yeBhola eKhatywayo ka-2010, yaye utyalo-mali lwethu lwenkxaso-mali eninzi yezixhobo zokusebenza efunyanwa kuRhulumente weSizwe nakowePhondosele ikho. Sizimisele ukwamkela amawaka-waka eendwendwe eKapa abaza kuzimasa le midlalo, yaye abahlali bethu baza kuxhamla kwimisebenzi yophuculo eza kubakho umphelo yonikezelo ngeenkonzo nezixhobo, kuqukwa nesixa-mali esifikelela kwi-R2 yeebhiliyoni ngenjongo yokuphucula isikhululo seenqwelo-moya, isixa-malie sifikelela kwi-R1.3 yeebhiliyoni ngenjongo yokuphucula izithuthi zoluntu, isixa-mali esingaphezu kwe-R1 yeebhiliyoni kumsebenzi wolungiso olumandla kwiindlela ezinkulu, malunga ne-R1 yeebhiliyoni ngenjongo yokuphucula izixhobo zobonelelo ngombane, isixa-mali esifikelela kuma-R400 ezigidi ngenjongo yokuphucula isikhululo esikumbindi wedolophu, R1,2 yeebhiliyoni ngenjongo yokuthengwa koololiwe abatsha, ngaphezu kwe-R3 yeebhiliyoni kulungiselelwa ukokhiwa kwesteydiyam esitsha esikudidi oluphezulu, kunye namakhulu ezigidi zeerandi kumsebenzi wokuphuculwa kwamabala namaziko athile oluntu, afana neStediyam sase-Phillippi, iStediyam sase-Athlone, iBala lemidlalo lase-Green Point kunye neNdawo yokuhamba-hamba iGrand Parade kuMbindi weDolophu. Olu tyalo-mali luza kutshintsha imbonakalo yeKapa ibe ntle kakhulu, yaye luza kusinceda sixhase ngakumbi uhlumo lwezoqoqosho nokudalwa kwamathuba engqesho njengoko sijonge kunyaka ka-2020.

ISicwangciso sethu esiHlangeneyo soPhuhliso esiphengululweyo sonyaka-mali ka-2009/2010 siyaqhubeka nokugxininisa kwezona nkalo zesicwangciso-qhinga ezazimiselwe kwiminyaka emibini edlulileyo. Nangona kunjalo, xa sijonga le misebenzi yophuhliso yonyaka ka-2008 ikhankanywe ngaphambili, kananjalo songeze ezi nkalo zizodwa zilandelayo:

- Kwimeko eqhubekayo yokuhla kwamandla oqoqosho kwihlabathi liphela, sikongeza utyalo-mali lwethu kwizixhobo zokusebenza ngenjongo yokuphucula ukuzithemba kwabatyalali-mali eKapa kunye nokubonelela ngeyona meko-bume yedolophu enokhuphiswano olufanelekileyo kwimisebenzi yoqoqosho. UNondyabo weSizwe ubhengeza ukuba uza kuqalisa inkqubo ekwafana nale yotyalo-mali kumjikelo wohlahlo-lwabiwo-mali lwalo nyaka.

- ISixeko simisele iNkalo entsha ekuGxilwa kuyo yeSicwangciso-qhinga kwiSicwangciso esiHlangeneyo soPhuhliso salo nyaka, esinxulumene nokusetyenziswa ngokuzinzileyo kwamandla ombane eKapa. Esi sicwangciso silungiselelwe ukuxhasa uthatho-xanduva lokusingqongileyo kumacandelo emisebenzi esixeko, ngeenjongo ezizodwa zokucutha ukusetyenziswa kwamandla ombane kuMmandla weNqila yeKapa, kubekw'esweni ukumiselwa kwayo kubonelelo ngamandlaombane nesicwangciso sokutshintsha kwemozulu kwiSixeko, amanyathelo ongeziweyo okuqinisekisa ukhuseleko lwethu lwamandla ombane, kunye nokwandiswa konxibelelwano namaphulo okufundisa ngokungqonge utshintsho lwemozulu nemisebenzi esinzileyo yamandla ombane.
- Ngokuphathelele nokhuseleko, iSixeko siza kongeza ugxininiso lwaso ekulweni nezenzo zolwaphulo-mthetho ezingephi nokwaphulwa kwemithetho kamasipala. Siza kumisela umgaqo-nkqubo ojongene nokukhathalelwa kwezinto ezingephi nosetyenziswe ngempumelelo kwezinye izixeko kwihlabathi liphela. Ngokwenza imeko-bume yoluntu esingqongileyo ecocekileyo nebukekayo, sizimisele ukukhuthaza ukuhlonelwa komthetho nokwenza imeko-bume esingqongileyo enomtsalane. Ukuxhasa oku kuza kufuneka ukuba senze ngqingqwa uthungelwano lwethu locupho nge-CCTV, kwandiswe umthamo nobuchule bokusebenza kwamasebe onyanzeliso-mthetho nawezothutho yaye siqhubeke nokuphuhlisa amacandelo ethu emisebenzi ekhethekileyo ngenjongo yokujongana neentlobo ezithile zezenzo zolwaphulo-mthetho, ezifana nokusetyenziswa kakubi kwezinyobisi nokonakalisw kwezixhobo zonikezelo ngeenkono kwiindawo zamatyotyombe.
- ISixeko sizimisele ukuphucula iimeko zentlalo kubahlali beendawo zamatyotyombe. Kwenziwa iinzame ezenziwe ngamxhel'omnye ngenjongo yokuqinisekisa iqondo elamkelekileyo lezixhobo, indlela yokufikelela kwiinkono ezisisiseko zobunjini nezinye iinkono ezinikezelwa siSixeko, ezifana neenkono zikaxakeka, ziyafumaneka kubahlali beendawo zamatyotyombe. Imililo neengozi zeempuphuma zeSixeko kwiindawo zamatyotyombe ikwiqondo eliphezulu yaye ngaphandle kweenkqubo neenkono eziphuculweyo ezifana neNkqubo yokuLungela uBusika, iSixeko kufuneka sikwaphucule umthamo waso wokujongana neemeko zikaxakeka. Ngokusisiphumo soko, iSixeko siza kumisela izicwangciso zaso zokucutha imingcipheko yentlekele nezokujongana neemeko zikaxakeka yaye siza kwandisa uMthamo wokusebenza kweZiko leSixeko loNcedo kwiimeko zikaXakeka.
- INkalo yeSicwangciso-qhinga ekuGxilwe kuyo ye-8, ngokuphathelele nemithombo yoncedo lwezabasebenzi yeSixeko, inemilinganiselo emitsha ejoliswe ukongeza ukusebenza ngobuchule kombutho wethu emva kokumiselwa kweNkqubo yokuLungelelaniswa ngokutsha kweZiko kunye nesigaba sokuqala sokulinganiswa kwentlawulo. Kulo nyaka uzayo kuza kugxilwa ekulungelelaniswe ngokufanelekileyo kwezicwangciso-qhinga zabasebenzi bethu abalawulayo ngenjongo yokungqamanisa imisebenzi ephambili yethu yonikezelo ngeenkono, kunye nokubek' iliso kwimpumelelo yale nkqubo ngokuhamba kwexesha. Ngokwenza njalo, sizimisele ukufumanisa ukuba ingaba imilinganiselo yombutho wethu isebenza ngokufanelekileyo kangakanani na xa ithelekiswa nemilinganiselo yesizwe neyehlabathi. Ngaphezulu, siza kusebenzela ukuqinisekisa ukuba izixhobo zobuchwepheshe bolwazi nonxibelelwano zisetyenziswa kangangoko ukuzuzisa abo babonelelwa ngeenkono. Ndikholwa ukuba la maphulo aza kusinceda ukuba siziphumeze iinjongo zethu eziphambili zohlumo lwezooqoqosho olukhokelwa zizixhobo zokusebenza. Unalo ithuba lokuvakalisa izimvo zakho ngokuphathelele neSicwangciso esiphengululweyo nesiHlanganisiweyo soPhuhliso, kuqukwa nezi ziphakamiso zingasentla, yaye sikunqwenela ngamandla ukuva izimvo zenu.

Indima yoluntu kule nkqubo.

Ngenyanga ka-Agasti/Septemba isebe elijongene nesicwangciso esihlangeneyo sophuhliso ngentsebenziswano namabhungana liya lacwangcisa iintlanganiso zoluntu ngenjongo yokufumana izimvo zoluntu nge-IDP. Isebe le-IDP livule inombolo entsha ye-sms, thumela u-“IDP ulandelise ngomyalezo omfutshane kule nombolo: 31766 nakule dilesi ye-imeyile: idp@capetown.gov.za neziza kuhlala zivuliwe ngokuhamba kwexesha kulungiselelwa uluntu.

Olu xwebhu luyafumaneka kuwo onke amathala eencwadi, kwii-ofisi zamabhungana, kule dilesi yewebhusayithi: www.capetown.gov.za (iSicwangciso seMinyaka emi-5) ngokunjalo nakuzo zonke iihotele namaziko eendawo zokulala ufumane isidlo sakusasa, ukuze luphengululwe. Uluntu luza kubanakho ukuvakalisa izimvo zalo zisebenzisa

- Izimvo ezibhaliweyo usebenzisa amaxwebhu eengxelo ezibuyayo. La maxwebhu ayafumaneka kwezi ndawo:
 - » kwii-ofisi zamabhungana,
 - » kumathala eencwadi
 - » kwiwebhusayithi (www.capetown.gov.za ucofe iqhosha leSicwangciso seMinyaka emi-5, uBandakanyo loluntu
 - » ISicwangciso, ukubandakanya abahlali emva, kuxwebhu lweengxelo ezibuyayo.)
- Inombolo ye-Sms: “Thumela i-Sms ethi-IDP” ulandelise ngomyalezo kule nombolo: 31766
- Ifeski: 021 400 4909
- Umnxeba: 021 400 9803
- I-imeyile: idp@capetown.gov.za

Iintlanganiso zothatho-nxaxheba loLuntu zibhengezwa kwisithuba seentsuku ezili-14 kwangaphambili kumaphepha-ndaba zengingqi nezesithili. Zonke izimvo mazingeniswe ekupheleni kwenyanga ka-Okthoba 2009.

